

Broj: 01-14-4-294-7/17

Sarajevo, 21.04.2017. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama Bosne i Hercegovine («Službeni glasnik BiH», broj 39/14), a na prijedlog Komisije za javne nabavke imenovane rješenjem broj: 01-14-4-294-1/17 od 08.03.2017. godine, direktor Federalnog hidrometeorološkog zavoda, d o n o s i

ODLUKU

o izboru najpovoljnijeg ponuđača za javnu nabavku usluga - Sukcesivno održavanje službenih vozila -

I.

U cilju odabira najpovoljnijeg ponuđača, u provedenom postupku javne nabavke – Konkurentski zahtjev za dostavu ponuda za javnu nabavku usluga –Sukcesivno održavanje službenih vozila-, evidencijski broj nabavke: 01-14-4-294-3/17 od 24.03.2017. godine, broj obavještenja o nabavci sa Portala javnih nabavki: 615-7-2-19-3-1/17 od 28.03.2017. godine, kao najbolje ocijenjena prihvatljiva ponuda je ponuda ponuđača **UNITRADE d.o.o. Ljubuški**, broj: 1104/2017 od 12.04.2017. godine, sa ukupnom cijenom ponude sa uračunatim popustom bez PDV-a , u iznosu od **2.889,68 KM**.

II.

Ponuđač iz tačke I. ove odluke ocijenjen je kao najpovoljniji, jer ispunjava uslove postavljene tenderskom dokumentacijom, a u skladu sa kriterijem za dodjelu ugovora (najniža cijena) ponudio je najnižu cijenu.

III.

Prijedlog Ugovora dostavit će se na potpis izabranom ponuđaču po isteku roka od 10 (deset) dana, računajući od dana kada svi ponuđači, koji su učestvovali u predmetnom postupku nabavke, budu obaviješteni o izboru najpovoljnijeg ponuđača.

Izabrani ponuđač dužan je dostaviti dokaze o kvalificiranosti iz tačke 12. tenderske dokumentacije u roku od 5 (pet) dana nakon što bude obaviješten od strane ugovornog organa o rezultatima postupka nabavke.

IV.

Za realizaciju ove odluke zadužuje se Sektor opštih poslova.

V.

Ova Odluka objavit će se na web stranici Zavoda, www.fhmzbih.gov.ba, istovremeno sa upućivanjem iste svim ponuđačima koji su učestvovali u predmetnom postupku javne nabavke, shodno članu 70. stav (6) Zakona o javnim nabavkama.

VI.

Ova Odluka stupa na snagu danom donošenja i dostavlja se svim ponuđačima koji su učestvovali u predmetnom postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke usluga: Sukcesivno održavanje službenih vozila, broj: 01-14-4-294/17 od 06.03.2017. godine. Javna nabavka provedena je putem Konkurentskog zahtjeva za dostavu ponuda, procijenjena vrijednost nabavke iznosi 8.100,00 KM bez PDV-a.

Tenderska dokumentacija dostavljena je na adrese 6 (šest) ponuđača, i to na 3 (tri) istovremeno sa objavljivanjem obavještenja o nabavci broj: 615-7-2-19-3-1/17 na Portalu javnih nabavki, dana 28.03.2017. godine, a na 3 (tri) po zaprimljenim zahtjevima za ustupanje tenderske dokumentacije.

Komisija za javne nabavke imenovana rješenjem direktora, broj: 01-14-4-294-1/17 od 08.03.2017. godine, blagovremeno i pravilno je izvršila otvaranje pristiglih ponuda, kao i pregled i ocjenu ponuda, te konstatovala slijedeće: da su blagovremeno pristigle ukupno dvije (2) ponude, da nije bilo neblagovremeno zaprimljenih ponuda, da je od ukupno dvije pristigle ponude jedna (1) prihvatljiva i to ponuda ponuđača UNITRADE d.o.o. Ljubuški, Bana Jelačića bb, Ljubuški, dok je ponuda ponuđača TRIAB d.o.o. Sarajevo, Alipašina bb, Sarajevo, ocijenjena kao neprihvatljiva.

Ponuda ponuđača TRIAB d.o.o. Sarajevo, Alipašina bb, Sarajevo, nije prihvatljiva i odbačena je iz slijedećih razloga:

- U tenderskoj dokumentaciji u tački 15. Sadržaj ponude i način izrade ponude, pored ostalog navedeno je da se ponuda daje na originalnim obrascima iz tenderske dokumentacije (aneksima), koji se popunjavaju isključivo hemijskom olovkom i **trebaju biti parafirani ili potpisani i ovjereni od strane ovlaštene osobe** (Aneks 2, 3 i 6), odnosno nadležnog organa – općina, notar (Aneks 4 i 5), te da svi listovi ponude moraju biti parafirani ili potpisani od osobe, odnosno osoba koje su ovlaštene da zastupaju ponuđača i ovjereni pečatom.

Ponuđač je dostavio ponudu u kojoj se u Aneksu 2 –Obrazac za ponudu, kao lice koje je ovlašteno da predstavlja ponuđača navodi Predrag Đorđević, i potpis imenovanog kao ovlaštene osobe. Aneks 3 –Obrazac za cijenu ponude, također je potpisan od strane imenovanog. Izjave u vezi sa članom 45. i 52 ZJN BiH, također je dao imenovani, a u istim nije naveo položaj koji ima kod ponuđača. Također su od strane imenovanog uz pečat ponuđača parafirani listovi Aneksa 3 i Aneksa 6. Uvidom u Aktuelni izvod iz sudskog registra, koji je dostavio ponuđač, utvrđeno je da je jedino lice ovlašteno za zastupanje ponuđača Bunjo Adis. U popisu dokumenata koje je dostavio ponuđač nije navedeno da se dostavlja ovlaštenje za zastupanje na ime Predrag Đorđević, a u ponudi nema ni ovlaštenja za imenovanog da zastupa ponuđača. U prijedlogu Ugovora, Aneks 6, kao ovlašteno lice koje zastupa Izvršioca navodi se Adis Bunjo. Također, u ponudi ponuđača TRIAB d.o.o. Sarajevo nisu parafirani svi listovi ponude u skladu sa tačkom 15. TD.

- U tenderskoj dokumentaciji tačkom 15. podtačka 14. navedeno je da je ponuđač dužan dostaviti „Izjavu ponuđača o periodu važenja ponude u trajanju od 90 dana, računajući od krajnjeg roka za dostavu ponuda“.

Ponuđač je dostavio Izjavu u kojoj je naveo da je rok važenja ponude 60 dana od dana otvaranja ponuda, odnosno ponuđač je u Izjavi naveo rok važenja ponude kraći od roka iz TD, što nije u skladu sa tačkom 24. TD – Period važenja ponude:

„Ponude moraju važiti u trajanju od 90 dana, računajući od isteka roka za podnošenja ponude. U slučaju da ponuđač navede period važenja ponude kraći od roka navedenog u tenderskoj dokumentaciji, ugovorni organ će odbiti takvu ponudu“.

Iz navedenog proizilazi da ponuda nije pripravljena u skladu sa ZJN, podzakonskim aktima i uslovima postavljenim u tenderskoj dokumentaciji, odnosno nije potpisana od ovlaštenog lica za zastupanje ponuđača u skladu sa odredbama člana 58. stav (1) tačka g) ZJN, nije potpuna i ne ispunjava zahtjeve TD, te shodno tome, a u skladu sa članom 68. ZJN, nije prihvatljiva.


Nakon izvršenog pregleda i ocjene, Komisija je dostavila direktoru Zavoda Zapisnik o pregledu i ocjeni ponuda, broj: 01-14-4-294-6/17 od 19.04.2017. godine i prijedlog za izbor najpovoljnijeg ponuđača UNITRADE d.o.o. Ljubuški, sa registriranim sjedištem u ul. Bana Jelačića bb, Ljubuški, za predmetnu nabavku.

U postupku donošenja ove odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama («Službeni glasnik BiH», broj 39/14), podzakonskim aktima i tenderskom dokumentacijom.

Uvidom u priloženu dokumentaciju nesporno je da je izabrani ponuđač UNITRADE d.o.o. Ljubuški izabran primjenjujući kriterij najniže cijene koja je ponuđena u iznosu od 2.889,68 KM bez PDV-a, dok je druga ponuda ocijenjena neprihvatljivom.

Iz navedenih razloga, primjenom člana 64. stav (1) tačka b) Zakona o javnim nabavkama odlučeno je kao u dispozitivu.

Pouka o pravnom lijeku: Protiv ove odluke svaki ponuđač koji je učestvovao u postupku nadmetanja može, radi zaštite svojih prava i pravnih interesa, izjaviti žalbu Federalnom hidrometeorološkom zavodu u roku od 5 (pet) dana od dana prijema ove odluke, u pisanoj formi direktno ili preporučenom poštanskom pošiljkom, u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču, kao i drugim strankama u postupku.



DIREKTOR

Almir Bijedić

Dostaviti:

- Svim ponuđačima u postupku
- Sektoru opštih poslova
- IT Centar
- a/a